



Lescha da taglia dalla vischnaunca da pleiv catolica-romana Lumnezia miez

La vischnaunca da pleiv catolica-romana Lumnezia miez cumpeglia gl'entir territori dils vischinadis da Degen, Morissen, Vella e Vignogn.

I. Disposiziuns generalas

Art. 1

Intent ed incasso

La vischnaunca da pleiv catolica-romana Lumnezia miez incassescha las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad;
- b) ina taglia supplementara ed ina taglia penala.

Art. 2

Reglaziun generala

Aschinavon che questa lescha cuntegn buca reglaziuns, vegnan las disposiziuns dalla lescha davart taglias communalas e da baselgia sco era las leschas da taglia communal e cantunala applicadas conform lur senn.

II. Dretg material

Art. 3

Pei da taglia

1. Las taglias sin las entradas e sin la facultad vegnan incassadas en pertschiens dalla taglia cantunala sempla.
2. La radunanza generala dalla vischnaunca da pleiv fixescha sil pli tard il december il pei da taglia per igl onn fiscal suandont.

Art. 4

Obligaziun da pagar taglia

1. Obligadas da pagar taglia ein tuttas persunas da confessiun catolica-romana che appartegnan alla vischnaunca da pleiv sco era tuttas persunas da quella confessiun ch'ein domiciliadas ordeifer il territori dalla vischnaunca da pleiv e ch'ein obligadas limitadamein da pagar taglia tenor il dretg cantunal en la vischnaunca Lumnezia ed el cantun.

2. L'obligaziun da pagar taglia sedrezza ton tenor l'appartenenza ecclesiastica dallas singulas persunas ch'ein obligadas da pagar taglia alla fin della perioda fiscala ni alla fin dall'obligaziun da pagar taglia, sco era tenor las disposiziuns dalla lescha cantunala da taglia.

3. En lètgs, nua ch'ils conjugals appartegnan a differentas confessiuns, ston ils facturs totals vegnir reparti mintgamai per la mesada sin omisdus conjugals.

III. Dretg formal

Art. 5

Cumpetenza
d'execuziun

1. L'execuziun da questa lescha schai en cumpetenza – cun resalva dall' alinea dus – dallas autoritads ch'ein incumbensadas cun l'execuziun dallas taglias communalas correspudentas.

2. Davart l'obligaziun subjectiva da pagar taglia decida la suprastonza dalla vischnaunca da pleiv.

Art. 6

Termin da
pagament

1. Las taglias da baselgia scadan ensemen cun las taglias communalas.

2. Ellas ston vegnir pagadas ensemen cun las taglias communalas.

IV. Disposiziuns finalas

Art. 7


Vigur

1. Questa lescha ei vegnida approbada dalla radunanza generala constitutiva dalla vischnaunca da pleiv ils 24 d'uost 2016. Ella entra en vigur igl 1. da schaner 2017.

2. Cu questa lescha va en vigur, ein tuttas disposiziuns d'auters relaschs che stattent en cuntradiziun cun ella abolidas.

Per la suprastonza transitorica dalla vischnaunca da pleiv Lumnezia miez

Il president:



Marco Sgier, Vella


La vicepresidenta:




Marie-Theres Riedi-Lötscher, Morissen

Approvà da la regenza tenor il
conclus dal/dals 20.12.2016 nr. 1148

En num da la regenza
Il president: Il chancelier:



Dr. Chr. Rathgeb



Dr. C. Riesen

